

包氏醫宗

第二集第一卷

雜病論章節

雜病論章節目錄

- | | | |
|------|----------------|--------------|
| 第一篇 | 藏府經絡先後病..... | 即內外婦人科診斷治法總論 |
| 第二篇 | 瘧溼喝病..... | 即軀壳三陽病 |
| 第三篇 | 百合狐惑陰陽毒病..... | 即藏府三陰病 |
| 第四篇 | 瘧病..... | 即陰陽氣血病 |
| 第五篇 | 中風歷節病..... | 即衛氣病 |
| 第六篇 | 血痺虛勞病..... | 即營血病 |
| 第七篇 | 肺痿肺癰咳嗽上氣病..... | 即肺藏病 |
| 第八篇 | 奔豚氣病..... | 即腎藏病 |
| 第九篇 | 胸痺心痛短氣病..... | 即心藏病 |
| 第十篇 | 腹滿寒疝宿食病..... | 即脾藏病 |
| 第十一篇 | 五藏風寒積聚病..... | 即全體病 |

第十二篇 痰飲咳嗽病.....即上焦病

第十三篇 消渴小便不利淋病.....即下焦病

第十四篇 水氣病.....即中焦病

第十五篇 黃疸病.....即膽府病

第十六篇 驚悸吐衄下血胸滿瘀血病.....即肝藏病

第十七篇 嘔吐噦下利病.....即胃腸病

第十八篇 瘡癰腸癰浸淫病.....即皮膚肌肉外科血潰病

第十九篇 跌蹶手指臂腫轉筋狐疝蛇蟲病.....即經絡筋骨外科氣結病

第二十篇 婦人妊娠病.....論五藏血氣病

第二十一篇 婦人產後病.....論六經三焦病

第二十二篇 婦人雜病.....論五藏特殊病

雜病論章節

漢醫聖張仲景先師原文

男天白參校

閩杭包一虛識生氏分例

孫應申校字

臟腑經絡先後病脈證篇第一

第一章

雜病治法總論

第一節

臟腑病治法總論

問曰。上工治未病。何也。師曰。夫治未病者。見肝之病。知肝傳脾。當先實脾。四季脾旺不受邪。卽勿補之。中工不曉相傳。見肝之病。不解實脾。惟治肝也。夫肝之病。補用酸。助用焦苦。益用甘味之藥調之。酸入肝。焦苦入心。甘入脾。脾能傷腎。腎氣微弱。則水不行。水不行。則心火氣盛。則傷肺。肺被傷。則金氣不行。金氣不行。則肝氣盛。則肝自愈。此治肝補脾之要妙也。肝虛則用此法。實則不在用之。經曰。虛虛實實。

補不足。損有餘。是其義也。餘臟準此。

第二節

經絡病治法總論

夫人稟五常。因風氣而生長。風氣雖能生萬物。亦能害萬物。如水能浮舟。亦能覆舟。若五臟元真通暢。人卽安和。客氣邪風。中人多死。千般痼難。不越三條。一者。經絡受邪。入藏府。爲內所因也。二者。四肢九竅。血脈相傳。壅塞不通。爲外皮膚所中也。三者。房室金刃蟲獸所傷。以此詳之。病由都盡。若人能養慎。不令邪風干忤經絡。適中經絡。未流傳藏府。卽醫治之。四肢纔覺重滯。卽導引吐納。鍼灸膏摩。勿令九竅閉塞。更能無犯王法。禽獸災傷。房室勿令竭乏。服食節其冷熱。苦酸辛甘。不遺形體有衰。病則無由入其腠理。腠者是三焦通會元真之處。理者是皮膚藏府之文理也。

第二章

望色

問曰。病人有氣色見於面部。願聞其說。師曰。鼻頭色青。腹中痛。苦冷者。死。鼻頭色微黑者。有水氣。色黃者。胸上有寒。色白者。亡血也。設微赤。非時者。死。其目正圓者。瘕。不治。又色青爲痛。色黑爲勞。色赤爲風。色黃者。便難。色鮮明者。有留飲。

第三章 聞聲

第一節 辨腎氣

師曰。病人語聲寂寂然。喜驚呼者。骨節間病。語聲喑喑然。不徹者。心隔間病。語聲啾啾然。細而長者。頭中病。

第二節 辨肺氣

師曰。息搖肩者。心中堅。息引胸中上氣者。欬。息張口短氣者。肺痿吐沫。

第三節 辨三焦之氣

師曰。吸而微數。其病在中焦實也。當下之。則愈。虛者不治。在上焦者。其吸促。在下焦者。其吸遠。此皆難治。呼吸動搖振振者。不治。

第四章

切脈

第一節

辨四時脈

師曰。寸口脈動者。因其王時而動。假令肝王色青。四時各隨其色。肝色青而反色白。非其時色脈。皆當病。

第二節

辨氣候遲早不及太過

問曰。有未至而至。有至而不至。有至而不去。有至而太過。何謂也。師曰。冬至之後。甲子夜半。少陽起。少陽之時。陽始生。天得溫和。以未得甲子。天因溫和。此爲未至而至也。以得甲子。而天未溫和。爲至而不至也。以得甲子。而天大寒不解。此爲至而不去也。以得甲子。而天溫和。如盛夏五六月時。此爲至而太過也。

第三節

辨前表後裏

師曰。病人脈浮者在前。其病在表。浮者在後。其病在裏。腰痛背強不能行。必短氣而極也。

第四節

辨陰厥陽厥

問曰。經云厥陽獨行。何謂也。師曰。此爲有陽無陰。故稱厥陽。

問曰。寸脈沉大而滑。沉則爲實。滑則爲氣。實氣相搏。血氣入藏卽死。入府卽愈。此爲卒厥。何謂也。師曰。唇口青身冷。爲入藏卽死。如身和汗自出。爲入府卽愈。

問曰。脈脫入藏卽死。入府卽愈。何謂也。師曰。非爲一病。百病皆然。譬如浸淫瘡。從口起流向四肢者。可治。從四肢流來入口者。不可治。病在外者。可治。入裏者。卽死。

第五章

問症

問曰。陽病十八。何謂也。師曰。頭痛項腰脊臂脚掣痛。陰病十八。何謂也。師曰。欬上氣喘噦咽腸鳴脹滿心痛拘急。五藏病各有十八。合爲九十病。人又有六微。微有十八病。合爲一百八病。五勞七傷六極。婦人三十六病。不在其中。清邪居上。濁邪居下。大邪中表。小邪中裏。繫飪之邪。從口入者。宿食也。五邪中人。各有法度。風中於前。寒中於暮。溼傷於下。霧傷於上。風令脈浮。寒令脈急。霧傷皮腠。溼流關節。食傷脾胃。極寒傷經。極熱傷絡。

第六章

治法

第一節

治表裏之先後

問曰。病有急當救裏救表者。何謂也。師曰。病醫下之。續得下利清穀不止。身體疼痛者。急當救裏。後身疼痛。清便自調者。急當救表也。

第二節

治舊疾新病之先後

夫病痼疾。加以卒病。當先治其卒病。後乃治其痼疾也。

第三節

治病當審病人之喜惡

師曰。五藏病各有所得者愈。五藏病各有所惡。各隨其所不喜者爲病。病者素不應食。而反暴思之。必發熱也。

第四節

治病當究其源

夫諸病在藏。欲攻之。當隨其所得而攻之。如渴者。與猪苓湯。餘皆倣此。

瘧溼喝病脈證篇第二

第一章 瘧病

第一節 剛瘧

太陽病。發熱。無汗。反惡寒者。名曰剛瘧。

第二節 柔瘧

太陽病。發熱。汗出。而不惡寒者。名曰柔瘧。

第三節 辨傳經

太陽病。發熱。脈沉而細者。名曰瘧。爲難治。

第四節 發汗傷表致瘧

太陽病。發汗太多。因致瘧。

第五節 攻下傷裏致瘧

夫風病。下之則瘧。復發汗。必拘急。

第六節 汗傷營致瘧

瘧家。雖身疼痛。不可發汗。汗出則瘧。

第七節 汗傷衛致瘧

病者。身熱。足寒。頸項強急。惡寒。時頭熱。面赤。目赤。獨頭動搖。猝口噤。背反張者。瘧病也。若發其汗者。寒溼相搏。其表益虛。卽惡寒甚。發其汗已。其脈如蛇。暴腹脹大者。爲欲解。脈如故。反伏弦者。瘧。

第八節 瘧病順脈

夫瘧脈。按之緊如弦。直上下行。

第九節 瘧病逆症

瘧病。有灸瘡。難治。

第十節 瘧病營虛治法

太陽病。其證備。身體強。几几然。脈反沉遲。此爲瘧。括樓桂枝湯主之。

第十一節 瘧病衛實治法

太陽病。無汗、而小便反少、氣上衝胸、口噤不得語、欲作剛瘧。葛根湯主之。

第十二節 瘧病營衛俱實治法

瘧爲病。胸滿、口噤、臥不着席、脚攣急、必齮齒、可以大承氣湯。

第二章 溼病

第一節 溼病內症

太陽病。關節疼痛、而煩、脈沉而細者。此名中溼。亦名溼痺。溼痺之候。小便不利。大便反快。但當利其小便。

第二節 溼病外症

溼家之爲病。一身盡疼、發熱、身色如熏黃也。

第三節 溼病誤下傷陰壞症

溼家。其人但頭汗出。背強。欲得被覆向火。若下之早。則噓。或胸滿。小便不利。舌上如胎者。以丹田有熱。胸上有寒。渴欲得飲。而不能飲。則口燥。煩也。

第四節

溼病誤下傷陽死症

溼家。下之。額上汗出。微喘。小便利者。死。若下利不止者。亦死。

第五節

治溼宜微汗

風溼相搏。一身盡疼痛。法當汗出而解。值天陰雨不止。醫云。此可發其汗。汗之病不愈者。何也。蓋發其汗。汗大出者。但風氣去。溼氣在。是故不愈也。若治風溼者。但微微似欲汗出者。風溼俱去也。

第六節

衛溼

溼家病。身疼。發熱。面黃。而喘。頭痛。鼻塞。而煩。其脈大。自能飲食。腹中和無病。病在頭中寒溼。故鼻塞。內藥鼻中。則愈。

第七節 營溼

溼家。身煩疼。可與麻黃加朮湯。發其汗爲宜。慎不可以火攻之。

第八節 實溼

病者。一身盡疼。發熱。日晡所劇者。此名風溼。此病傷於汗出當風。或久傷取冷所致也。可以麻黃杏仁薏苡甘草湯。

第九節 虛溼

風溼。脈浮。身重。汗出。惡風者。防己黃芪湯主之。

第十節 表溼

傷寒八九日。風溼相搏。身體疼煩。不能自轉側。不嘔。不渴。脈浮虛。而濡者。桂枝附子湯主之。若大便堅。小便自利者。去桂枝加白朮湯主之。

第十一節 裏溼

風溼相搏。骨節疼煩。掣痛不得屈伸。近之則痛劇。汗出。短氣。小便不利。惡風。不欲去衣。或身微腫者。甘草附子湯主之。

第三章

第一節

喝病脈證及禁誤

太陽中喝。發熱惡寒。身重而疼痛。其脈弦細。牀遲。小便已。洒洒然毛聳。手足逆冷。小有勞。身即熱。口開。前板齒燥。若發其汗。則惡寒甚。加溫鍼。則發熱甚。數下之。則淋甚。

第二節

燥喝

太陽中熱者。喝是也。汗出惡寒。身熱而渴。白虎加人蔞湯主之。

第三節

溼喝

太陽中喝。身熱疼重。而脈微弱。此以夏月傷冷水。水行皮中。所致也。一物瓜蒂湯主之。